

# NORTHERN CAPE PROVINCE

PROFENSIYA KAPA-BOKONE



NOORD-KAAP PROVINSIE

IPHONDO LOMNTLA KOLONI

Provincial Gazette  
Kasete ya Profensi

iGazethi YePhondo  
Provinsiale Koerant

Vol: 29

KIMBERLEY  
14 March 2022  
14 Maart 2022

No: 2487

**We all have the power to prevent AIDS**



**AIDS  
HELPLINE**

**0800 012 322**

DEPARTMENT OF HEALTH

**Prevention is the cure**

*N.B. The Government Printing Works will not be held responsible for the quality of "Hard Copies" or "Electronic Files" submitted for publication purposes*

ISSN 1682-4547



9 771682 454009



0 2 4 8 7

**IMPORTANT NOTICE:**

**THE GOVERNMENT PRINTING WORKS WILL NOT BE HELD RESPONSIBLE FOR ANY ERRORS THAT MIGHT OCCUR DUE TO THE SUBMISSION OF INCOMPLETE / INCORRECT / ILLEGIBLE COPY.**

**No FUTURE QUERIES WILL BE HANDLED IN CONNECTION WITH THE ABOVE.**

**Contents**

<i>No.</i>		<i>Gazette No.</i>	<i>Page No.</i>
<b>GENERAL NOTICES • ALGEMENE KENNISGEWINGS</b>			
174	Spatial Planning and Land Use Management Act 16/2013: Erf 4334 Kimberley, 19 Queensway.....	2487	3
174	Munisipale Ruimtelike Beplanning en Grondgebruiks Bestuurs Wet, Wet 16/2013: Erf 4334 Kimberley, Queensway 19.....	2487	3
175	Spatial Planning and Land Use Management Act (16/2013): Appointment of Tribunal Members and Readiness of Gamagara Municipal Planning Tribunal to Commence its Operations.....	2487	4
<b>MUNICIPAL NOTICES • MUNISIPALE KENNISGEWINGS</b>			
73	Plaaslike Regering : Munisipale Stelsels Wet, 2000 [Wet 32 van 2000]: Karoo Hoogland Munisipaliteit: Plaaslike Owerheid Kennisgewing Nr 001 van 2022.....	2487	5
74	Plaaslike Regering : Munisipale Stelsels Wet, 2000 [Wet 32 van 2000]: Karoo Hoogland Munisipaliteit: Plaaslike Owerheid Kennisgewing Nr 002 van 2022.....	2487	11

**GENERAL NOTICES • ALGEMENE KENNISGEWINGS****GENERAL NOTICE 174 OF 2022****SOL PLAATJE MUNICIPALITY****IN TERMS SECTION 47 (1) OF SPLUMA ACT 16 OF 2013.****REMOVAL OF RESTRICTIVE TITLE CONDITIONS I.R.O. ERF 4334, 19 QUEENSWAY, HADISON PARK, KIMBERLEY.**

Notice is given in terms of Section 47 (1) of Spatial Planning and Land Use Management Act 16/2013 and Sections 4 (2)(a)(iii), 4(2)(a)(iv) and 4 (2)(b)(v) read together with Sections 6 & 20 of the Municipality Land Use Management By-Laws 2015, read together with the Spatial Planning and Land Use Management Act 16/2013 as well as in terms of Section 42(3) of the Spatial Planning and Land Use Management Act 16 of 2013, that the Sol Plaatje Municipality has, with effect from 02 December 2021, approved the Removal of Restrictive title conditions in Title Deed (T4896/2018) Section B 6 (a), (b), (c) and (d) i.r.o Erf 4334 Kimberley, 19 Queensway, be removed.

**ALGEMENE KENNISGEWING 174 VAN 2022****OPHEFFING VAN BEPERKENDE TITEL VOORWAARDES T.O.V. ERF 4334, QUEENSWAY 19, HADISON PARK, KIMBERLEY.**

Hierby word ooreenkomstig die bepalings van artikel 47 (1) van die Munisipale Ruimtelike Beplanning en Grondgebruiks Bestuurs Wet, Wet 16/2013 en Artikels 4 (2)(a)(iii), 4(2)(a)(iv) en 4 (2)(b)(v) saamgelees met Artikels 6 & 20 van die Munisipale Verordeninge 2015, saamgelees met die Munisipale Ruimtelike Beplanning en Grondgebruiks Bestuurs Wet, Wet 16/2013 sowel as in terme van Artikel 42(3) van die Munisipale Ruimtelike Beplanning en Grondgebruiks Bestuurs Wet, Wet 16/2013, bekend gemaak dat die Sol Plaatje Munisipaliteit, in effek sedert 02 Desember 2021, die Opheffing van Beperkende Titel voorwaardes soos uiteengesit in Titellakte (T4896/2018), Afdeling B 6 (a), (b), (c) and (d) t.o.v Erf 4334 Kimberley, Queensway 19, opgehef het.

## GENERAL NOTICE 175 OF 2022

## GAMAGARA

## LOCAL

Cnr. Hendrick van Eck & Frikkie Meyer  
Kathu  
8446  
Telephone: 053 723 6000  
Date: 01/02/2022



## MUNICIPALITY

P.O. Box 1001  
Kathu  
8446  
Fax: 053 723 2021  
**Enquiries:** N Nkhanedzeni  
Email: ntsielenin@gamagara.co.za

### APPOINTMENT OF TRIBUNAL MEMBERS AND READINESS OF GAMAGARA MUNICIPAL PLANNING TRIBUNAL TO COMMENCE ITS OPERATIONS

In terms of Council Resolution **2022126/14**, Gamagara Municipal Council as guided by the provisions of Section 36(1) of the Spatial Planning and Land Use Management Act, 2013 (Act No. 16 of 2013), appointed the following members to serve in the Municipal Planning Tribunal for a term of 5 years. The notice is also given in terms of Section 37(4)(5) of the Spatial Planning and Land Use Management Act, 2013 (Act 16 of 2013) that the Gamagara Municipal Planning Tribunal is ready to commence with effect from the date of publication of this Notice.

#### GAMAGARA MUNICIPAL PLANNING TRIBUNAL MEMBERS

##### Gamagara Municipal Planning Tribunal Members

Internal Members: Municipal officials

No:	Member	Position	Municipality
1.	Director: Development & Town Planning	Chairperson	Gamagara LM
2.	Director: Infrastructure and Basic Services	Member	Gamagara LM
3.	Manager: Electrical Engineer	Member	Gamagara LM
4.	Senior Technician (Roads and Storm Water)	Member	Gamagara LM
5.	Project Manager	Member	Gamagara LM
6.	Senior Town Planner	Member	Gamagara LM
External Member			
7.	Thabelo Troy Mulaudzi	Deputy chairperson	Professional Town Planner
8.	Kwindla Handy Nobaza	Member	Environmental science
9.	Victor Paulo Tjikunga	Member	Lawyer

All enquires relating to the appointment and commencement shall be directed to Director: Development & Town Planning Ms T. Rapelang at [rapelangt@gamagara.co.za](mailto:rapelangt@gamagara.co.za) or call on 053 712 9384 during normal working hours between 07:30 – 16:30 (Monday to Friday, excluding public holidays).

  
**K. LESERWANE**  
MUNICIPAL MANAGER

#### Gamagara Local Municipality

Cnr Hendrick van Eck & Frikkie Meyer Road  
P.O. Box 1001, Kathu, 8446  
Tel No: 053 723 6000  
Fax No: 053 723 2021  
[www.gamagara.gov.za](http://www.gamagara.gov.za)

**MUNICIPAL NOTICES • MUNISIPALE KENNISGEWINGS****MUNICIPAL NOTICE 73 OF 2022****PLAASLIKE OWERHEID KENNISGEWING NR 001 VAN 2022****KAROO HOOGLAND MUNISIPALITEIT**

Karoo Hoogland Munisipaliteit publiseer hiermee, interme van Artikel 13 van die Plaaslike Regering : Munisipale Stelsels Wet, 2000 [Wet 32 van 2000] gesamentlik geles met Artikel 162 van die Grondwet van die Republiek van Suid Afrika Wet 1996 [Wet 108 van 1996] die Verordening rakende Wetstoepassing wat in werking sal tree op die datum van die publikasie.

**KAROO HOOGLAND MUNISIPALITEIT  
WETSTOEPASSING VERORDENING****DOEL VAN DIE VERORDENING**

Om voorsiening te maak vir die voorkoming van misdaad in Karoo Hoogland Munisipaliteit en vir aangeleenthede wat daarmee verband hou.

Daar word bepaal deur Karoo Hoogland Munisipaliteit, soos volg –

**1. WOORDOMSKRYWING**

In hierdie verordening, tensy uit die samehang anders blyk, beteken –

*“motorwag”* ’n persoon wat aan ’n ander persoon op ’n openbare plek of op ’n plek wat gewoonlik deur die publiek of enige deel daarvan gebruik word, ooreenkomstig ’n reëling met so ’n ander persoon teen vergoeding homself of haarself beskikbaar stel vir die beskerming van voertuie, en het *“motorwagorganisasie”* ’n ooreenstemmende beteken

*“munisipaliteit”* Karoo Hoogland Munisipaliteit

*“openbare eiendom”* ook die brug, gebou, struktuur of vaste aanhegting wat deel uitmaak van ’n openbare plek wat in, op of by ’n openbare plek voorkom of wat regtens openbare eiendom is

*“openbare plek”* ook grond, park of oop ruimte, pad, straat, nagstraat of deurgang, brug, gebou of struktuur wat gewoonlik deur die publiek gebruik word, wat die eiendom van die munisipaliteit is, of waarvan die beheer, tot die volle uitsluiting van die eienaar in die munisipaliteit gevestig is, of waartoe die inwoners van die munisipaliteit ’n gemeenskaplike reg of toegang het

*“straat”* ook ’n sypaadjie en

*“wetstoepassingsbeampte”* iemand wat by of kragtens die een of ander wet gemagtig word om die verordening van die munisipaliteit te polisiëer of toe te pas.

**2. BESKADIGING VAN OPENBARE EIENDOM VERBODE**

Niemand mag openbare eiendom verwyder, beskadig, ontsier, verberg of daarmee peuter nie.

3. OPPERVLAKTE VAN STRATE MAG NIE GESKEND WORD NIE  
Behalwe in die uitvoering van sy of haar ampspligte mag niemand die oppervlakte van 'n straat merk, verf of op enige manier ontsier nie
4. VERTOON VAN UITHANGBORDE, PLAKKATE EN BANIERE BEHEER  
1. Niemand mag –  
a. In, op of by 'n openbare plek, of  
b. Op so 'n manier dat dit geredelik sigbaar is van 'n openbare plek 'n uithangbord, plakkaat of banier wat onweloweglik, aanstootlik of onkuis is vertoon nie.
2. Behalwe met die voorafverkreepte skriftelike toestemming van die munisipaliteit en ooreenkomstig die voorwaardes van die munisipaliteit bepaal mag niemand –  
a. Op 'n openbare plek of  
b. Op private eiendom (uitgesonderd private eiendom wat gesoneer is vir besigheidsverwante doeleindes of industrieelverwante doeleindes by of kragtens die een of ander wet, gidsplan, dorpaanlegskema of titelakte) op so 'n manier dat dit geredelik sigbaar is van 'n openbare plek, adverteer deur die vertoon van 'n uithangbord, plakkaat of banier nie.
5. AANBRING VAN STRAATNOMMERS  
Die eienaar of okkuperder van 'n geboude perseel moet die straatnommer deur die munisipaliteit aan die perseel toegesê op 'n opvallende plek wat by die betrokke straatfront aanbring, op so 'n manier dat dit redelik leesbaar is van die straat.
6. BESKADIGING VAN STRAATNAME EN NOMMERS VERBODE  
Niemand mag –  
a. 'n bord waarop 'n straatnaam vertoon word nie  
b. 'n straatnommer beoog in artikel 5 of  
c. 'n uithangbord deur die munisipaliteit gemagtig of opgerig, beskadig, ontsier, verwyder of onleesbaar maak nie.
7. BEHEER VAN BEDEL OP OF VANAF OPENBARE PLEKKE  
1. Behalwe met die vooraf verkreepte skriftelike toestemming van die munisipaliteit en ooreenkomstig die voorwaardes deur die munisipaliteit bepaal, mag niemand –  
a. In of vanaf 'n openbare plek bedel of aalmoese insamel nie  
b. Van deur tot deur bedel of aalmoese insamel nie
2. Voorwaardes in subartikel 1 beoog moet –  
a. Afbakening van die gebied waarbinne die persoon mag bedel of aalmoese insamel  
b. Tye waartydens die persoon bedel of aalmoese insamel  
c. Plekke waar die persoon nie mag bedel of aalmoese insamel nie en  
d. Die tydperk (wat nie langer as een jaar mag wees nie) waarvoor die toestemming verleen word, insluit, maar is nie daartoe beperk nie.
3. Iemand wat bedel en aalmoese insamel ooreenkomstig 'n geskrewe toestemming in subartikel 1 beoog, moet toestemming in sy of haar besit hê en dit op versoek toon aan –  
a. Iemand wat deur daardie persoon genader word.  
b. Enige iemand met 'n klaarblyklike belang in sy of haar optrede of  
c. 'n wetstoepassingsbeampte
8. BEHEER OOR MOTORWAGTE  
1. Niemand tree as 'n motorwag op nie tensy –



- a. Hy of sy geregistreer is as 'n sekuriteitsdiensverskaffer ingevolge die Wet op die Regulering van die Private Sekuriteitsbedryf, 2001 (wet no. 56 van 2001) en
- b. Hy of sy in diens is van 'n motorwagorganisasie en in die uitvoering van hy of sy pligte en onder beheer van daardie organisasie optree

2. 'n motorwagorganisasie lewer nie 'n motorwagdiens nie tensy die organisasie –

- a. Vooraf die skriftelike toestemming van die munisipaliteit verkry het en optree ooreenkomstig die voorwaardes in die toestemming aangedui
- b. 'n "sekuriteitsbesigheid" is soos omskryf in die Wet op die Regulering van die Private Sekuriteitsbedryf 2001 en voldoen aan die bepalings van artikel 20(2) van die wet
- c. Toesien dat enige van sy werknemers wat diens as 'n motorwag lewer –
  - Te alle tye behoorlik geregistreer is as 'n sekuriteitsdiensverskaffer ingevolge die wet op die regulering van Private Sekuriteitsbedryf 2001
  - Te alle tye voldoen aan vereistes van die Gedragskode vir sekuriteitsdiensverskaffer ingevolge Artikel 28 van die wet op die regulering van Private Sekuriteitsbedryf 2001

3. Voorwaardes is subartikel 2 (a) beoog moet –

- a. Afbakening van die gebied waarbinne die motorwagorganisasie 'n motorwagdiens mag lewer
- b. Tye waartydens die motorwagorganisasie 'n motorwagdiens mag lewer
- c. Plekke waar die motorwagorganisasie nie 'n motorwagdiens mag lewer nie.
- d. Die tydperk (wat nie langer as een jaar mag wees nie) waarvoor die toestemming verleen word, insluit, maar is nie daartoe beperk nie

9. VERBODE HANDELINGE MET BETREKKING TOT OPENBARE PLEKKE

1. Niemand mag in, op of by 'n openbare plek enige voorwerp of stof –

- a. Wat die sindelikhed van die openbare plek mag belemmer of
- b. Wat 'n steurnis of gevaar vir enige mens, dier of voertuig wat die openbare plek gebruik mag veroorsaak nie, Agterlaat mors, laat val of neersit nie.

2. Niemand mag in, op of by 'n openbare plek spoeg, urineer of ontlaas nie

3. Niemand mag in, op of by 'n openbare plek onder die invloed van alkohol of dwelms wees nie.

10. INASEMING, VERSKAFFING OF WEGDOENING VAN SEKERE STOWWE VERBODE

1. Behoudens die Wet op Dwelmmiddels en Dwelmsmokkelary, 1992 (Wet No 140 van 1992) mag niemand die dampe van gom, 'n hegmiddel of vlugtige stof wat bedwelvende of allusinerende uitwerking het, inasem nie.

2. Niemand doen weg met die houer van 'n stof in subartikel 1 bedoel –

- a. Deur middel van 'n munisipale vullisverwyderingsstelsel nie of
- b. Deur dit in op of by 'n openbare plek te los nie.

3. Behoudens die wet op Dwelmmiddels en Dwelmsmokkelary, 1992 verskaf niemand, teen betaling of andersins, 'n stof in subartikel 1 bedoel aan enigiemand indien dit redelikerwys duidelik is dat die stof verkry word met die doel om daardie subartikel te oortree nie.

11. STORTING VAN VULLIS, AGTERLAAT OF OPHOPING VAN SEKERE VOORWERPE OF STOWWE IN OPENBARE PLEKKE VERBODE

1. Niemand stort, vergaar of laat enige tuinvullis, motorwrak of onderdeel bourommel vullis of ander afval agter –

- a. In, op of by 'n openbare plek nie
- b. Behalwe op 'n plek deur die munisipaliteit vir storting toegewys nie

2. Behalwe met die voorafverkree skriftelike toestemming van die munisipaliteit en ooreenkomstig enige voorwaarde deur die munisipaliteit bepaal, plaas niemand, of laat toe dat iemand 'n voorwerp of stof in subartikel 1 bedoel vanaf 'n perseel waarvan die persoon die eienaar of okkupeerder is in, op of by 'n openbare plek plaas nie.

12. VERBODE HANDELINGE MET BETREKKING TOT BOME IN OPENBARE PLEKKE

1. Niemand mag –

- a. 'n boom in die openbare plek breek of beskadig nie of
- b. So 'n boom merk of verf nie

2. Behalwe met die voorafverkree skriftelike toestemming van die munisipaliteit, mag niemand –

- a. 'n advertensie op 'n boom in 'n openbare plek vertoon nie
- b. 'n boom in 'n openbare plek afknot, top, snoei, afsaag of verwyder nie

13. VERGADER OF VERSPERRING VAN STRATE VERBODE

Behoudens die Wet op die Reëling van Byeenkomste 1993, (Wet No. 205 van 1993) mag niemand op so 'n manier in 'n straat vergader, sit, lê of stap dat 'n versperring van die verkeer veroorsaak word of dat enige iemand anders wat die straat gebruik gestamp of verontrief word nie.

14. VERBODSBEPALING MET BETREKKING TOT PLEKKE VAN AANBIDDING

1. Niemand mag onmiddellik voor, of na die saamkoms sonder goeie rede en in die onmiddellike nabyheid van 'n plek van aanbidding draal nie.

2. Niemand mag die lidmaat van 'n Godsdienstige groep wat 'n samekoms bywoon of wat op pad is na of vertrek vanaf 'n plek van aanbidding treiter, hinder of vertraag nie.

15. OORLAS VERBODE

Niemand mag in, of op 'n openbare plek –

- a. Onwelvoeglike, aanstootlike of onkuise taal gebruik nie
- b. Rommel of vullis aan die brand steek of verbrand nie
- c. Enige iets wat aanstootlike rook afgee verbrand nie
- d. 'n aanstootlike reuk veroorsaak nie
- e. Baklei, iemand met geweld dreig of ander mense versteur deur te skreeu of te argumenteer nie
- f. Buitensporige geraas veroorsaak deur –
  - Te sing nie
  - Musiekinstrumente te bespeel nie
  - 'n enjin te laat loop nie
  - Die gebruik van luidspreker, radio, televisie of soortgelyke toetsel nie of
  - Dit op enige ander manier te maak nie.

16. RUSVERSTORING VERBODE

1. Niemand mag die rus in 'n woongebied versteur deur buitensporige geraas te maak of deur luidrugtig te baklei, te skreeu of te argumenteer nie

2. Behalwe met die voorafverkree skriftelike toestemming van die munisipaliteit en ooreenkomstig enige voorwaardes wat die munisipaliteit mag bepaal, mag niemand 'n klapper of enige vuurwerke wat 'n harde geraas maak afvuur nie



3. Die bepalings van subartikel 1 word nie so uitgelê dat dit geraas afkomstig van 'n *bona fide* kulturele- of Godsdienstige saamtrek verbied nie.

17. BEHEER VAN ADVERTEER MET KLANKVERSTERKERS

Behalwe met die voorafverkree skriftelike toestemming van die munisipaliteit en dienoreenkomstig enige voorwaardes wat die munisipaliteit mag bepaal, mag niemand deur die gebruik van klankversterkers op 'n besigheidsperseel en op 'n ander manier dat dit van 'n openbare plek gehoor kan word –

- a. Musiek speel nie of
- b. 'n mikrofoon of opname gebruik om enige lid van die publiek uit te nooi om die perseel binne te gaan of daar besigheid te doen nie.

18. BEHEER OOR BEDEL

Behalwe in 'n gebied deur die munisipaliteit toegewys en gedurende tye deur die munisipaliteit bepaal mag niemand in of vanaf 'n openbare plek –

- a. Werk bedel nie of
- b. Op enige manier aan 'n lid van die publiek sy of haar bereidwilligheid om teen vergoeding werk te doen of 'n taak te verrig te kenne gee nie.

19. BEHEER OOR VERTOON VAN ONWELVOEGLIKE BEELDMATERIAAL

1. Uitgesonderd in 'n aparte private lokaal, waartoe toegang alleen verkry kan word deur 'n deur waarop duidelik in drukskrif die woorde "Toegang slegs vir persone van 18 jaar en ouer" aangebring is en wat geleë is binne die betrokke sakeperseel, sal niemand wat sake doen in –

- a. Die verkoop verhuring of vertoning van films of
- b. Die verkoop van hul publikasies 'n film of publikasie uit waarvan die houer of buiteblad, na gelang van die geval, 'n tekening, prent, illustrasie, skildery of foto, beeld of kombinasie daarvan bevat wat seksuele gedrag uitbeeld nie

2. Vir die doeleindes van subartikel 1 beteken –

"film"

- a. Enige reeks fisuele beelde wat op enige stof, hetsy 'n film, magnetiese band, skyf of ander materiaal, opgeneem is op so 'n wyse dat daardie beelde deur van toepassing op iemand bedoel in artikel 24(1) van die wet op Films en gebruikmaking van daardie stof as 'n bewegende prent gesien kan word
- b. Die klankbaan verbonde aan en 'n vertoonde illustrasie wat betrekking het op 'n film soos in paragraaf (a) omskryf
- c. 'n prent wat bestem is om deur middel van 'n meganiese elektroniese of enige ander toestel vertoon te word

"publikasie"

- a. 'n koerant, boek, tydskrif, pamflet, aanplakbiljet of ander drukwerk
- b. 'n geskrif of getik wat op enige wyse gedupliseer is
- c. 'n tekening, prent, illustrasie of skildery
- d. 'n afdruk, foto, gravure of litografie
- e. 'n plaat, magnetiese band, klankbaan, behalwe 'n klankbaan verbonde aan 'n rolprent, of ander voorwerp waarin of waarop klank vir weergawe opgeneem is
- f. Rekenaarprogramatuur wat nie 'n film is nie
- g. Die omslag of verpakking van 'n film
- h. 'n afbeelding, kerfwerk, standbeeld of model
- i. 'n boodskap of mededeling met inbegrip van die visuele aanbieding wat op verspreide netwerk geplaas word, waarby inbegrepe is, maar nie beperk is nie, tot die internet en

“seksuele gedrag” die vertoon van ‘n geslagsorgaan, masturbasie, geslagsverkeer, wat anale geslagsverkeer insluit, die streling of aanraking met enige voorwerp, van ‘n geslagsorgaan, die penetrasie van ‘n vagina of anus met enige voorwerp, mondelinge genitale kontak, of mondelinge anale kontak

3. Die bepaling van subartikel 1 is nie van toepassing op iemand bedoel in artikel 24(1) van die wet op films en Publikasies 1996, wet no 65 van 1996 wat die houer is van ‘n lisensie om die besigheid van volwasse persele te bedryf terwyl so iemand op sodanige persele besigheid doen nie.

20. PARKERING VAN SWAAR VOERTUIG, SLEEPWAENS OF KARAVANE

Niemand parkeer –

- a. ‘n voertuig met bruto massa van meer as 9000kg, of ‘n sleepwa met ‘n bruto massa van meer as 1000kg, vir langer as 2 uur of
- b. ‘n karavaan vir langer as 2 uur in ‘n straat nie

21. VERSPREIDING VAN STROOIBILJETTE GEREGULEER

Behalwe met die voorafverkreepte skriftelike toestemming van die munisipaliteit mag niemand –

- a. ‘n strooibiljet of soortgelyk advertensiestuk in of op enige voertuig wat in ‘n openbare plek geparkeer is plaas of laat plaas nie of
- b. In of op ‘n openbare plek aan enigiemand ‘n strooibiljet of soortgelyk advertensiestuk uitdeel of laat uitdeel nie

22. STRAFBEPALING

1. Iemand wat ‘n bepaling van hierdie verordening of ‘n vereiste of voorwaardes daar kragtens oortree of versuim om daaraan te voldoen, is aan ‘n misdryf skuldig.

2. Iemand wat skuldig bevind word aan ‘n misdryf ingevolge subartikel 1 is strafbaar met ‘n boete of met gevangenisstraf van hoogstens 1 jaar of met beide boete en met daardie gevangenisstraf. (*Soos bepaal deur die Landdros in terme van ‘n goedgekeurde boetelys*)

23. HERROEPING VAN WETTE EN VOORBEHOUDE

1. Die volgende wette word hierby herroep  
Geen

2. Enige toestemming verkry, reg toegestaan, voorwaarde opgelê, aktiwiteit veroorloof of ding gedoen kragtens ‘n herroepte wet word na gelang van die geval, geag kragtens die ooreenstemmende bepaling van hierdie verordening (as daar is) verkry, toegestaan, opgelê, veroorloof of gedoen te gewees het.

24. KORT TITEL

Hierdie verordening heet die Verordening op Wetstoepassing, 2022

**MUNICIPAL NOTICE 74 OF 2022****PLAASLIKE OWERHEID KENNISGEWING NR 002 VAN 2022****KAROO HOOGLAND MUNISIPALITEIT**

Karoo Hoogland Munisipaliteit publiseer hiermee, interme van Artikel 13 van die Plaaslike Regering : Munisipale Stelsels Wet, 2000 [Wet 32 van 2000] gesamentlik gelees met Artikel 162 van die Grondwet van die Republiek van Suid Afrika Wet 1996 [Wet 108 van 1996] die Verordening rakende Die Aanhou van diere, pluimvee en bye wat in werking sal tree op die datum van die publikasie.

**KAROO HOOGLAND MUNISIPALITEIT  
DIE AANHOU VAN DIERE, PLUIMVEE EN DIERE VERORDENING****DOEL VAN DIE VERORDENING**

Om Voorsiening te maak vir die beheer van die aanhou van diere, pluimvee en bye in die Karoo Hoogland Munisipale area en vir aangeleenthede wat daarmee verband hou.

Daar word bepaal deur Karoo Hoogland Munisipaliteit, soos volg –

**DEEL 1  
WOORDOMSKRYWING**

1. In hierdie Verordening, tensy uit samehang anders blyk, beteken –

“diere”, enige perde, muile, donkies, beeste, varke, skape, bokke, inheemse soogdiere en enige ander wilde diere,

“Munisipale Bestuurder” ‘n persoon aangestel ingevolge Artikel 82 van die Wet op Plaaslike Regering : Munisipale Stelsels (Wet 32 van 2000).

“Munisipaliteit” beteken die Karoo Hoogland Munisipaliteit

“oorlas” onder meer, enige handeling, versuim of toestand wat na die mening van die Munisipaliteit skadelik vir die gesondheid of aanstootlik of nadelig is of wat wesenlik inbreek maak op die gewone gemak of gerief van die publiek of die veiligheid van die publiek nadelig raak of wat inbreek maak op die stilte van die omgewing.

“spesiale besluit” ‘n besluit deur ‘n meerderheid van die volle getal raadslede van die Munisipaliteit geneem ;

“troeteldiere” enige honde, katte, marmotjies, hamsters, konyne, pelsmuise, slange of voëls wat nie vir aanteel- of handelsdoeleindes aangehou word nie.

“Raad” die Karoo Hoogland Munisipale Raad en sluit in die Burgemeester, Politieke Ampsbekleërs, Politieke Strukture, Munisipale Bestuurder en enige ander Beampte met gedelegeerde bevoegdheid ingevolge Artikel 59 van die Wet op Plaaslike Regering : Munisipale Stelsels (Wet 32 van 2000);

“pluimvee” enige hoenders, ganse, eende, kalkoene, makoue en duiwe, wild of mak;

## DEEL 2 DIERE

### HOOFSTUK 1 ALGEMEEN

#### Skriftelike toestemming

2. Niemand mag sonder die skriftelike toestemming van die Munisipaliteit enige diere (uitgesonderd troeteldiere) op enige perseel of eiendom aanhou of toelaat dat dit daarop aangehou word nie, en sodanige toestemming kan teruggetrek word indien daar eniger tyd 'n oorlas ontstaan of die vereistes van hierdie Verordening nie nagekom word nie.

#### Getal diere

3. Ten einde die aanhou van diere binne dorpsgebiede te beheer en te beperk, kan die Munisipaliteit van tyd tot tyd by spesiale besluit die getal, soorte en geslag diere wat per eenheidsgebied aangehou mag word, bepaal asook die gebiede waarbinne sodanige diere verbied word.

#### Planne vir strukture moet goedgekeur word

4. (1) 'n Aansoek om toestemming om diere aan te hou, moet vergesel wees van 'n gedetailleerde terreinplan waarop alle bestaande en voorgestelde strukture en heinings op die perseel aangedui word en aangepas is vir die spesifieke diere;
- (2) Gedetailleerde planne en spesifikasies moet voorgelê word aan en goedgekeur word deur die Munisipaliteit ten opsigte van alle strukture waar diere gehuisves gaan word.
- (3) Die getal, soorte en geslag van diere moet op die plan aangedui word.
- (4) Ondanks enige andersluidende bepalings in hierdie Verordening vervat, kan die Munisipaliteit weier om die aansoek en planne goed te keur indien hy van mening is dat die eiendom, vanweë die ligging of geografiese kenmerke daarvan, ongeskik is vir die aanhou van diere daarop.

#### Strukture moet aan vereistes voldoen

5. (1) Alle strukture waarin diere gehuisves word, moet op deeglike wyse gebou word en van materiaal wat die Munisipaliteit goedkeur.
- (2) Geen struktuur mag geleë wees binne 'n afstand van 15m van enige woning en personeelkamers of die grens van 'n woonperseel en 8m van enige padgrens nie.
- (3) Elke deel van die struktuur moet behoorlik in stand gehou en geverf word so dikwels as wat die Munisipaliteit nodig ag.
- (4) Geen diere mag aangehou word in 'n struktuur of op grond wat na die mening van die Munisipaliteit onwenslik of aanstootlik is vanweë die ligging of bou daarvan of die wyse waarop dit gebruik word nie.

#### Perseel moet skoon gehou word

6. (1) Alle mis(ekstree) wat van diere afkomstig is, moet opgeberg word op 'n wyse wat deur die Munisipaliteit goedgekeur is en moet op 'n gereelde grondslag weggedoen word ten einde te verhoed dat 'n oorlas ontstaan.
- (2) Alle voer moet op 'n knaagdierdigte plek opgeberg word.

- (3) Die perseel moet in so 'n toestand gehou word dat dit nie knaagdiere uitlok of 'n skuilplek daarvoor bied nie.

**Diere wat op 'n onbevredigende wyse aangehou word**

7. Wanneer ookal, na die mening van die Munisipaliteit, enige diere wat op enige perseel aangehou word, ongeag of sodanige perseel kragtens hierdie Verordening deur die Munisipaliteit goedgekeur is of nie, 'n oorlas of gevaar vir die gesondheid is, kan die Munisipaliteit by wyse van 'n skriftelike kennisgewing die eienaar of okkupeerder van sodanige perseel aansê om, binne 'n tydperk wat in sodanige kennisgewing aangedui word, maar minstens 24uur na die datum van die kennisgewing, die oorsaak van sodanige oorlas of gevaar vir die gesondheid te verwyder en genoemde oorlas of gevaar vir die gesondheid te verhelp en om die werk te verrig of die dinge te doen wat die Munisipaliteit vir genoemde doel nodig ag.

## **HOOFSTUK 2 HONDE- EN KATTE HERBERGE**

**Perseelvereistes**

8. Niemand mag 'n honde- of katte herberg aanhou tensy daar aan die volgende vereistes voldoen word nie:
- (a) Elke hond of kat moet aangehou word in 'n omheinde plek wat aan die volgende vereistes voldoen :
- i. Dit moet van duursame materiaal wees en die toegang daartoe moet toereikend vir skoonmaakdoeleindes wees.
  - ii. Die vloer moet van beton of ander duursame materiaal gebou wees wat glad afgewerk is en afgeskuins is na 'n geut van 100mm breed wat strek oor die volle breedte van die vloer en geleë is binne die omheinde plek, welke geut afgeskuins moet wees en moet dreineer na die rioolput wat met die Munisipaliteit se rioolstelsel verbind is deur middel van 'n erdepyp of 'n pyp van enige ander goedgekeurde materiaal met 'n deursnee van ten minste 100mm, of met 'n ander goedgekeurde rioolstelsel.
  - iii. 'n Rand met 'n hoogte van 150mm moet oor die volle lengte van die geut in subparagraaf (2) gemeld, en aan die kant daarvan wat langs die omliggende buite-gebied is, verskaf word om te verhoed dat vloedwater uit sodanige gebied die geut binnekom.
- (b) Elke omheinde plek in paragraaf (a) gemeld, moet 'n oordekte skuiling vir die huisvesting van honde en katte hê wat aan die volgende vereistes voldoen :
- i. Elke muur moet van baksteen, klip, beton of ander duursame materiaal gebou wees en moet 'n glade binneoppervlak hê sonder barste of oop voë.
  - ii. Die vloer moet van beton of ander duursame materiaal gebou wees wat glad afgewerk is sonder enige barste of oop voë, en die oppervlak tussen die vloer en die mure van 'n permanente struktuur moet holrond wees.
  - iii. Elke skuiling moet toereikende toegang daartoe hê vir die skoonmaak daarvan en die vernietiging van ongediertes.
- (c) In die geval van honde kan 'n hondehok van gevormde glasvesel of ander soortgelyke materiaal, wat verplaasbaar is en geplaas is op 'n voetstuk van beton of ander duursame materiaal met 'n afwerking wat maklik skoongemaak kan word, sonder barste of oop voë verskaf word in plaas van 'n skuiling soos beoog in paragraaf (b), en as die voetstuk van sodanige hondehok nie

waterdig gemaak is nie, moet 'n slaapplank wat die hond in staat stel om droog te bly in elke sodanige hondehok verskaf word.

- (d) 'n Betonskort wat tot ten minste 1m breed is, moet by die ingang van die omheinde plek, oor die volle breedte daarvan, verskaf word, welke skort afgeskuins moet wees sodat dit water van die omheinde plek af wegvoer.
- (e) 'n Toevoer drinkbare water wat toereikend is vir drink- en skoonmaakdoeleindes moet in of aanliggend aan die omheinde plek verskaf word.
- (f) Alle voedsel moet opgeberg word in knaagdierdigte houers met digsluitende deksels in 'n pakkamer.
- (g) Daar moet ten minste 5m oop en onbelemmerde ruimte verskaf word tussen enige skuiling of omheinde plek en die naaste punt van enige woonhuis. Ander gebou of struktuur wat vir menslike bewoning gebruik word of enige plek waar voedsel vir menslike verbruik opgeberg of berei word.
- (h) Afsonderingsgeriewe vir honde en katte wat siek is, moet ten genoeg van die Munisipaliteit verskaf word.
- (i) As hokke voorsien word vir die aanhou van katte, moet sulke hokke van duursame, ondeurdringbare materiaal wees en so gebou word dat dit maklik skoongemaak kan word.

### HOOFSTUK 3 TROETELDIERWINKELS

#### Perseelvereistes

9. Niemand mag die saak van 'n troeteldierwinkel op enige perseel bedryf nie tensy die perseel ooreenkomstig die volgende vereistes gebou en toegerus is asook gesoneer is vir die doel nie:
- (a) Elke muur, met inbegrip van enige afskorting van enige gebou, moet gebou wees van baksteen, beton of ander duursame materiaal, 'n gladde binneoppervlak hê en met 'n ligkleurige wasbare verf geverf wees of 'n ander goedgekeurde afwerking hê.
  - (b) Die vloer van enige gebou moet van beton of ander duursame en ondeurdringbare materiaal wat glad afgewerk is, gebou wees.
  - (c) Die plafon van enige gebou moet van duursame materiaal gebou wees, glad afgewerk wees, stofdig wees en met 'n ligkleurige wasbare verf geverf wees.
  - (d) Sanitêre geriewe moet voorsien word ingevolge die Nasionale Bouregulasies.
  - (e) 'n Knaagdierdigte pakkamer moet voorsien word ten opsigte genoeg van die Munisipaliteit.
  - (f) Fasiliteite vir die was van hokke, panne en ander toerusting moet voorsien word ten genoeg van die Munisipaliteit.
  - (g) Kleedkamer- of sluitkasfasiliteite moet indien vereis, voorsien word ten genoeg van die munisipaliteit.
  - (h) Geen deur, venster of ander opening in enige muur van 'n gebou op die perseel mag nader as 2m wees van enige ander deur, venster of ander opening in enige ander gebou waarin voedsel berei, opgeberg of vir menslike verbruik verkoop word of deur mense verbruik word nie.
  - (i) Daar mag geen direkte toegang tot enige bewoonbare vertrek of enige vertrek waarin klere of voedsel vir menslike verbruik opgeberg word, wees nie.

#### Sakevereistes

10. Elke persoon wat die saak van 'n troeteldierwinkel bedryf, moet –
- (a) Aparte verwyderbare hokke verskaf vir die huisvesting van diere, pluimvee of voëls, en die volgende vereistes moet nagekom word :



- i. Die hokke moet geheel en al van metaal of ander duursame, ondeurdringbare materiaal gebou wees en toegerus wees met 'n verwyderbare metaalpan onder die vloer daarvan om die skoonmaak daarvan te vergemaklik.
  - ii. Elke hok moet vry van enige duik of holte wees wat nie redelik toeganklik vir die skoonmaak daarvan is nie en die binneholte van elke buis-of hol toebehore wat verband daarmee gebruik word, moet verseël wees.
  - iii. Indien konyne in 'n hok aangehou word, moet die metaalpan in subparagraaf (1) gemeld, in 'n verwyderbare houer dreineer.
  - iv. Elke hok moet toegerus wees met 'n drinkbak wat vol water gehou moet word en vir troeteldiere wat in die hok aangehou word, toeganklik is;
- (b) Knaagdierdigte houers van ondeurdringbare materiaal en met digpassende deksels in die pakkamer verskaf waarin alle troeteldierkos opgeberg moet word;
  - (c) Die perseel en elke hok, pan, houer, bak, mandjie en alle apparaat, toerusting en toestelle wat in verband met die troeteldierwinkel gebruik word, in 'n skoon higiëniese en goeie toestand en vry van ongediertes in stand hou;
  - (d) Doeltreffende maatreëls tref om te voorkom dat vlieë, kakkerlakke, knaagdiere en ander ongediertes geherberg word of uitbroei en dit te vernietig, en om aanstootlike reuke wat uit die aanhou van troeteldiere op die perseel voortspruit, te voorkom.
  - (e) Oorpakke of ander beskermende klere verskaf vir die gebruik van persone wat in verband met die troeteldierwinkelbedrywigheede staan en toesien dat sodanige klere deur elke werknemer gedra word wanneer hy of sy op diens is;
  - (f) Te alle tye elke troeteldier in die gebou op die perseel hou tensy die Munisipaliteit andersins goedkeur;
  - (g) Afsonderingsfasiliteite verskaf waarin elke troeteldier wat siek is of lyk, aangehou moet word terwyl dit op die perseel is;
  - (h) Toesien dat daar standhoudende toevoer drinkbare water vir drink- en skoonmaakdoeleindes is;
  - (i) Toesien dat die perseel te alle tye so geventileer is dat daar genoegsame beweging van lug vir die gerief en oorlewing van troeteldiere is; en –
  - (j) Toesien dat die getal troeteldiere per hok nie sodanig is dat die vrye beweging van sodanige troeteldiere aan bande gelei word nie.

#### HOOFSTUK 4 TROETELDIERSALONNE

##### Perseelvereistes

11. Niemand mag die saak van 'n troeteldiersalon in of op enige perseel bedryf nie tensy die perseelgebou en toegerus is in ooreenstemming met die volgende vereistes :
- (a) 'n vertrek moet voorsien word wat 'n minimum vloeroppervlakte van 6,5m<sup>2</sup> het vir die was en droogmaak van honde of katte en die knip van hul hare
  - (b) Die vloer van so 'n vertrek moet gebou wees van beton of ander duursame, ondeurdringbare materiaal wat glad afgewerk is en afgeskuins is na 'n geut wat in ooreenstemming met die Nasionale Bouregulasies dreineer.
  - (c) Die oppervlak tussen die vloer en die muur van so 'n vertrek moet holrond wees en die holrond gedeelte moet 'n minimumstraal van 75mm hê
  - (d) Elke binnemuuroppervlak moet glad afgepleister wees en geverf wees met 'n ligkleurige, wasbare verf.
  - (e) Die vertrek moet toegerus wees met die volgende –
    - i. 'n bad of dergelike fasiliteit met 'n konstante toevoer warm en koue water, wat dreineer ingevolge die Nasionale Bouregulasies;

- ii. 'n tafel met 'n ondeurdringbare blad; en
  - iii. 'n vullishouer van duursame, ondeurdringbare materiaal met 'n digsluitende deksel vir die opberging van afgesnyde hare totdat dit verwyder word.
- (f) As hokke voorsien word vir die aanhou van katte en honde moet sodanige hokke van duursame materiaal wees en so gebou wees dat dit maklik skoongemaak kan word.

**Sakevereistes**

12. Elke persoon wat die saak van 'n troeteldiersalon bedryf moet –
- (a) Verseker dat alle hokke, met inbegrip van die bodem, van metaal gemaak is en verskuif kan word;
  - (b) Verseker dat alle plaagbestrydingsmiddels en middels vir die was van honde en katte en die skoonmaak van toerusting en materiaal, opgeberg word in aparte metaalkaste;
  - (c) Toesien dat alle tafels wat vir die droogmaak en versorging van honde en katte gebruik word, van metaal is, met duursame en ondeurdringbare blaaie;
  - (d) Die perseel en elke hok, pan, houer, bak, mandjie en alle apparaat, toerusting en toestelle wat in verband met die troeteldiersalon gebruik word, in 'n skoon, higiëniese en goeie toestand en vry van ongediertes in stand hou;
  - (e) Te alle tye elke hond of kat in die gebou op die perseel hou, tensy die Munisipaliteit andersins goedkeur;
  - (f) Verplaasbare opberghouers van ondeurdringbare materiaal met digpassende deksels verskaf vir die opberg van honde- en kattermis(ekstree);en
  - (g) Alle mis(ekstree) en ander afvalmateriaal minstens een keer al om 24uur uit die omheinde plek 'n skuiling verwyder en dit in opberghouers in paragraaf (f) gemeld, is

### DEEL 3 PLUIMVEE / VOËLS

**Bepalings van hierdie deel moet aan voldoen word binne 'n sekere tyd**

13. Niemand wat op die datum waarop hierdie Verordening afgekondig word, pluimvee in die pluimveehok of –kamp aanhou of toelaat dat dit daarin aangehou word, mag voortgaan om na 'n tydperk van 12 maande vanaf die datum waarop hierdie Verordening in werking tree, pluimvee aan te hou of te laat aanhou nie, tensy daar ten volle aan die vereistes van hierdie deel voldoen is.

**Toestemming van Munisipaliteit moet verkry word**

14. (1) Niemand mag enige pluimvee op enige perseel aanhou of laat aanhou sonder die skriftelike toestemming van die Munisipaliteit nie.
- (2) 'n Aansoek om sodanige toestemming moet vergesel word van 'n terreinplan waarop die ligging van alle strukture waarin die pluimvee aangehou gaan word, aangetoon word, asook die materiaal wat gebruik gaan word en die soort en getal pluimvee wat aangehou gaan word.
- (3) Die Munisipaliteit het die reg om by die verlening van toestemming om pluimvee aan te hou, die getal en sort pluimvee te bepaal wat aangehou kan word, en niemand mag 'n groter getal pluimvee of pluimvee van 'n ander soort aanhou as die wat die Munisipaliteit bepaal het nie.
- (4) As dit uit die terreinplan blyk dat die vereistes van hierdie Deel nie nagekom kan word nie, verleen die Munisipaliteit nie toestemming vir die aanhou van pluimvee nie.
- (5) Die Munisipaliteit kan sodanige toestemming intrek indien die vereistes van hierdie Deel in enige stadium nie nagekom word nie.
- (6) Die Munisipaliteit kan verbied dat enige pluimvee in enige gebied aangehou word indien die omgewing of digtheid van die bevolking sodanig is dat die aanhou van enige pluimvee 'n oorlas of gevaar vir die gesondheid skep of kan skep.

**Pluimvee moet in goedgekeurde strukture aangehou word**

15. (1) Niemand mag pluimvee in 'n pluimveehok, pluimveekamp of struktuur aanhou as in 'n pluimveekamp of struktuur waarvoor die Munisipaliteit toestemming verleen het nie, en niemand mag sodanige hok, kamp of struktuur verander of verskuif sonder skriftelike toestemming van die Munisipaliteit nie.
- (2) Niemand behalwe lede van 'n *bona fide*-duiwelklub mag pluimvee buite die pluimveevuehok of pluimveehok waarvoor daar toestemming verleen is, loslaat nie.

**Spesifikasies vir strukture**

16. Niemand mag 'n pluimveehok of pluimveekamp oprig of gebruik vir die doel om pluimvee aan te hou nie waarvan enige gedeelte –
- (a) Binne 1,5m is van 'n deur of venster na 'n woning, huiswerkerskwartiere of bewoonde buitegeboue, of van 'n gebou waar voedsel gehanteer, opgeberg of berei word, of van 'n straat; of
- (b) Nader as 1,5m is van enige gebou wat in paragraaf (a) genome is, of van enige heining; of
- (c) Hoër as 2,4m of laer as 1,2m by enige punt is : Met dien verstande dat waar duiwe aangehou word, die totale hoogte nie 3,6m mag oorskry nie.

**Vereistes vir konstruksie van strukture**

17. Niemand mag 'n pluimveehok oprig of gebruik vir die doel om pluimvee aan te hou nie, wat nie aan die volgende vereistes voldoen en op vakkundige wyse ten genoë van die Munisipaliteit opgerig is nie.
- (a) Die mure, dak vloer mag geen hol plekke, omheinde tussenruimtes of gate hê wat skuiling aan knaagdiere, ongediertes of pluimveeparasiete kan verleen nie.
- (b) Die vloer moet van baksteen, beton, asphalt of ander materiaal wat deur die Munisipaliteit goedgekeur is, wees en die oppervlak daarvan moet glad wees en skuins loop sodat alle vuil en spoelwater kan wegloup.
- (c) Die mure moet van baksteen, beton of ander geskikte materiaal wees wat vir die doel deur die munisipaliteit goedgekeur is, en moet, behalwe in die geval van 'n hok vir die aanhou van duiwe, met glad afgewerkte sementpleister gepleister wees, en moet aan die binnekant en buitekant afgewit of met olie verf gevef wees.
- (d) Die dak moet van glasvesel of golfyster of ander geskikte materiaal wees wat deur die Munisipaliteit goedgekeur is.

**Vereistes vir die aanhou van pluimvee**

18. Elke persoon wat pluimvee in 'n pluimveehok of pluimveekamp aanhou of laat aanhou –
- (a) Moet sodanige pluimveehok of pluimveekamp te alle tye in 'n deeglik skoon toestand en vry van knaagdiere, ongediertes en parasiete hou ;
- (b) Moet alle pluimveemis (ekstreet) behoorlik opberg in 'n nie-gegoefde metaalbak met 'n dig passende deksel of ander houer soos deur die Munisipaliteit goedgekeur;
- (c) Moet sodanige pluimvee op 'n behoorlike wyse voer sodat dit nie 'n oorlas veroorsaak of knaagdiere, vlieë of ander ongediertes aanlok nie, en alle oorskietkos of ander verdeerfbare stof moet minstens een maal elke dag uit die pluimveehok of pluimveekamp verwyder word.
- (d) Moet alle pluimveekos in metaal- of ander bakke bêre wat vir knaagdiere ontoeganklik is; en
- (e) Mag nie 'n groter getal pluimvee in een besonderde pluimveehok of pluimveekamp as een voël, en in die ander geval van duiwe, twee voëls, per 0,36m<sup>2</sup> van die totale vloerruimte van sodanige pluimveehok of pluimveekamp aanhou of laat aanhou nie, en mag geen pluimvee aanhou wat 'n oorlas veroorsaak deur te kraai of kekkel nie.

**Gesondheidsvereistes**

19. Niemand mag pluimveeskropgoed, -vullis of -mis(ekstreet) op so 'n wyse of vir so 'n tydperk op 'n perseel plaas, gooi, laat of toelaat dat dit daarop bly sodat dit die uitbroei van vlieë bevorder of knaagdiere of ander ongediertes daardeur na sodanige perseel aangelok word nie.

**Munisipaliteit mag die gebruik van sekere strukture verbied**

20. Die Munisipaliteit kan, deur middel van die betokening van 'n skriftelike kennisgewing aan iemand wat pluimvee in 'n pluimveehok of pluimveekamp aanhou of laat aanhou, die gebruik van sodanige pluimveehok of pluimveekamp verbied indien dit nie na die mening van die Munisipaliteit ongeskik, ongewens of aanstootlik is weens die ligging of bou daarvan of die wyse waarop dit gebruik word.

**Spesifikasies vir kratte**

21. Niemand mag pluimvee in kratte wat nie aan die volgende vereistes voldoen plaas nie :
- (a) Die vloerruimte van die krat wat kalkoene of ganse bevat, moet minstens 0,09m<sup>2</sup> per voël wees wat daarin geplaas word, en die hoogte van sodanige krat moet minstens 750mm wees.
  - (b) Die vloerruimte van die krat wat ander pluimvee bevat moet minstens 0,045m<sup>2</sup> per voël wees en die hoogte van sodanige krat moet minstens 500mm wees.
  - (c) Die vloere van sodanige kratte moet van soliede hout of ander soliede materiaal wees.
  - (d) Twee drinkbakke met vars water, wat in teenoorgestelde hoeke van die krat aangebring is, moet in elke krat aangebring wees, moet in elke krat verskaf word. Sodanige bakke moet van die onstortbare soort en minstens 125mm diep en 100mm in deursnee wees.
  - (e) Elke krat moet geskikte bakke met kos bevat
  - (f) Verskillende soorte pluimvee mag nie in dieselfde krat geplaas word nie.

## **DEEL 4 AANHOU VAN BYE**

**Die aanwending van Deel 4**

22. Hierdie deel geld alleen binne daardie gedeelte van die Munisipaliteit se regsgebied wat deur die Munisipaliteit by kennisgewing in die *Provinsiale Koerant* afgebaken is vir die doel om die aanhou van bye te beheer en word in hierdie Deel 'n "beheerde gebied" genoem.

**Vereistes vir die aanhou van bye binne beheerde gebied**

23. (1) Niemand hou bye binne 'n beheerde gebied aan –
- (a) Sonder 'n permit uitgereik ingevolge artikel 24 (2)(b) nie;
  - (b) Op 'n perseel kleiner as 3750 vierkante meter nie;
  - (c) Behalwe in 'n roosterraamwerkkorf wat deur die Munisipaliteit goedgekeur is nie, geleë minstens 100m van enige straat, woonhuis, besigheidsplek of hoenderhok, of plek waar diere of voëls aangehou word en wat omhein is met 'n sterk draadheining of muur van 'n minimum hoogte van 1,5m op 'n afstand van minstens 5m in enige rigting van sodanige korf, sodat sodanige korf vir diere of ongemagtigde persone ontoeganklik is;
  - (d) Op 'n perseel wat geleë is binne 400m, gemeet van die naaste punt van die naaste grens van sodanige perseel, van die naaste punt van die naaste grens van 'n kerk, skool, hospital of bioskoop of enige ander vergemaklikheids-, vergader- of ontspanningsplek nie.

**Permitte**

24. (1) 'n aansoek om permitte
- (a) Word aan die Munisipale Bestuurder gerig
  - (b) Gaan vergesel van die gelde deur die Munisipaliteit bepaal.
- (2) na ontvangs van die aansoek in subartikel (1) genoem, kan die Munisipale Bestuurder –
- (a) die perseel en die geriewe van die aansoeker inspekteer of laat inspekteer;
  - (b) die permit behoudens die voorwaardes wat hy of sy in belang van openbare veiligheid nodig ag uitreik; of
  - (c) skriftelik weier om die permit uit te reik en sy of haar redes vir weiering aan te wys.

- (3) 'n Permit uitgereik ingevolge subartikel (2)(b) is vir 'n jaar geldig en kan deur die permithouer hernu word voor die verval deur –
- (a) betaling van die gelde deur die Munisipaliteit vir sodanige hernuwing bepaal te betaal; en
- (b) die Munisipale Bestuurder te oortuig dat alle permitvoorwaardes wat op veiligheid van die publiek gerig is steeds nagekom word.
- (4) 'n Permit uitgereik ingevolge subartikel (2)(b) kan deur die Munisipaliteit ingetrek word indien die permithouer 'n bepaling van hierdie Deel of 'n voorwaarde waar behoudens die permit uitgereik is oortree of nie daaraan voldoen nie.

## **DEEL 5**

### **STRAFBEPALING EN KORT TITEL**

#### **Strafbepaling**

25. Enige persoon wat enige van die voorafgaande artikels oortree of weier om gehoor te gee aan 'n bevel wat wettig daarkragtens gegee is, is aan 'n misdryf skuldig en by skuldigbevinding strafbaar met 'n boete of gevangenisstraf van hoogstens een jaar, of met beide 'n boete en met daardie gevangenisstraf.

#### **Herroeping van wette en voorbehoude**

26. (1) Die volgende wette word hierby herroep :  
Geen
- (2) Enige toestemming verkry, reg toegestaan, voorwaarde opgelê, aktiwiteit veroorloof of ding gedoen kragtens 'n herroepe wet word, na gelang van die geval, geag kragtens die ooreenstemmende bepaling van hierdie Verordening (as daar is), verkry, toegestaan, opgelê, veroorloof of gedoen te gewees het.

#### **Kort Titel**

27. Hierdie Verordening heet die verordening op die Beheer oor Aanhou van Diere, Pluimvee en Bye, 2022.

Printed by and obtainable from the Government Printer, Bosman Street, Private Bag X85, Pretoria, 0001.  
Contact Centre Tel: 012-748 6200. eMail: [info.egazette@gpw.gov.za](mailto:info.egazette@gpw.gov.za)  
Publications: Tel: (012) 748 6053, 748 6061, 748 6065

Also available at the **Northern Cape Provincial Legislature**, Private Bag X5066, Nobengula Extension,  
Kimberley, 8301. Tel. : (053) 839-8073. Fax: (053) 839-8094.